

Božo Stijepić, dipl. socijalni radnik - Magistarski rad

| | |
|----------------------------|---|
| Fakultet/Akademija | FILOZOFSKI FAKULTET |
| Tip Rada | Magistarski rad |
| Kandidat, zvanje | Božo Stijepić, dipl. socijalni radnik |
| Naziv Teme | Socijalni uzroci pojave maloljetničke delinkvencije na području Tuzlanskog kanntona u periodu od 2004. do 2009. godine |
| Rezime/Abstract | <p>Magistarski rad na temu „Socijalni uzroci pojave maloljetničke delinkvencije na području Tuzlanskog kantona u periodu od 2004. do 2009. godine“ pored uvoda, sadržajno-metodološki je strukturiran u pet sljedećih poglavlja: metodologija istraživanja, teorijska elaboracija teme, rezultati istraživanja, zaključci i literatura. Rad je napisan na 123 stranice kucanog teksta. U okviru prvog poglavlja metodologija istraživanja utvrđen je metodološki okvir istraživanja. Jasno su definisani: predmet istraživanja, cilj istraživanja, zadaci istraživanja, metode i tehnike istraživanja, hipoteze istraživanja i uzorak istraživanja. Istraživanje se fokusiralo na nepovoljnom uticaju različitih sastavnica socijalne isključenosti na porodicu maloljetnika i druge agense u procesu razvoja socijalnog ponašanja maloljetnika. Cilj istraživanja je istražiti i utvrditi koliki uticaj na razvoj delinkventnog ponašanja imaju različiti agensi socijalizacije koji se pojavljuju kao rizični faktori socijalne sredine: porodične prilike, uticaj školske sredine, slobodnog vremena, sredstava masovne komunikacije i grupe vršnjaka, i u kojoj mjeri blagovremena socijalna dijagnoza uzroka pojave delinkventnog ponašanja utiče na izradu i realizaciju socijalnih programa prevencije. U procesu istraživanja su primjenjene sljedeće metoda i tehnike istraživanja: metoda teorijske analize, metoda analize sadržaja, servey metod, komparativna metoda, statistička metoda i tehnika upitnika koji je konstruisan za potrebe ovog istraživanja. Ispitani su stavovi roditelja i stručnih radnika o socijalnim uzrocima maloljetničke delinkvencije. Rezultati istraživanja su statistički obrađeni pomoću statističkog programa, koji je uključivao izračun sljedećih statističkih vrijednosti: procenti (%), frekvencija (f), aritmetička sredina (M), t-test(t), Hi-kvadrat test (x2). Istraživanje je sprovedeno od decembra 2010. godine do jula 2011. godine na ukupnom uzorku od 150 ispitanika koji je podijeljen na dva subuzorka. Jedan subuzorak veličine 50 jedinica je sačinjavao ispitanike koji su se odnosili na roditelje djece koja su ispoljavala delinkventno ponašanje. Drugi subuzorak je sačinjavao 100 posmatranih jedinica a odnosio na socijalne i druge stručne radnike koji imaju iskustvo u radu sa maloljetnicima. Generalna hipoteza istraživanja glasi: „Samo savremeni pristup pojavi maloljetničke delinkvencije u oblasti socijalnog rada koji se temelji na utvrđivanju socijalne dijagnoze rizičnih faktora ili uzroka koji su doprinijeli njenom razvoju, omogućava definisanje adekvatne socijalne akcije u oblasti prevencije i ostvarivanje zadataka socijalnog rada u oblasti resocijalizacije maloljetnih prestupnika...“ Teorijska elaboracija teme uključuje teorijsku analizu različitih pristupa u definisanju pojave maloljetničke delinkvencije i pojmova društveno neprihvatljivog ponašanja kao i normativno-pravno definisanje krivične odgovornosti maloljetnika. Posebno je važna teorijska elaboracija etiologije maloljetničke delinkvencije koja uključuje: socijalni aspekt, etiološke teorije i socijalne uzroke maloljetničke delinkvencije. Rezultati istraživanja su prikazani putem 65 tabela uz upotrebu 33 grafikona-slika. Interpretacija i analiza obimnih rezultata istraživanja, na znanstveno utemeljen način potvrđuje da je pojava maloljetničke delinkvencije izrasla u ozbiljan socijalni problem i ukazuje na potrebu donošenja socijalnih programa prevencije ove pojave na području Tuzlanskog kantona. Broj krivičnih dijela izvršenih od strane maloljetnika u istraživačkom periodu uglavnom bilježi tendenciju rasta. Najveći socijalni problemi koji izrazito nepovoljno djeluju na agense u procesu socijalizacije maloljetnika su nezaposlenost i siromaštvo. Nezaposlenost roditelja direktno produkuje siromaštvo porodice što otežava uspješno izvršavanje ekonomske, vaspitne i socijalizatorske funkcije porodice. Da je izostao permanentan vaspitni uticaj i nadzor od strane roditelja i nastavnika u procesu socijalizacije maloljetnika, potvrđuju i iskazani stavovi roditelja o socijalnim uzrocima pojave maloljetničke delinkvencije. Roditelji smatraju da nepovoljni uticaji grupe vršnjaka (54%), neadekvatno korištenje slobodnog vremena (28%) i neadekvatno ostvarivanje vaspitne funkcije škole (63%), predstavljaju ključne socijalne uzroke vaspitne zapuštenosti i zanemarenosti i pojave maloljetničke delinkvencije. 70% roditelja čija su djeca počimila krivično djelo nije blagovremeno saznalo za ispoljeno asocijalno ponašanje svoga djeteta. U prilog navedenom zaključku je i rezultat istraživanja koji nam otkriva da 30% roditelja nema uvida koliko vremena njihovo dijete provodi za internetom i da roditelji uglavnom nemaju uticaja na izbor sadržaja koje njihova djeca prate u sredstvima javnog informisanja. Stavovi socijalnih i drugih stručnih radnika potvrđuju da oni i ustanove i organizacije u kojima rade nisu dovoljno efikasni u reakciji na pojavu maloljetničke delinkvencije. Posebno se to odnosi na blagovremenu prevenciju i socijalnu dijagnozu uzroka pojave delinkventnog ponašanja maloljetnika, jer se pretežno djeluje na tradicionalan način kada se već ispolji delinkventno ponašanje maloljetnika. U zaključnim razmatranjima se predlažu odgovarajuće mjere u područjima socijalne reakcije zajednice na pojavu maloljetničke delinkvencije na području Tuzlanskog kantona. Izricanje i primjena odgojnih preporuka kao i razvoj modela restorativne pravde uz adekvatne programe socijalne prevencije, trebaju biti strateški pravci djelovanja vladinih i nevladinih organizacija na području Tuzlanskog kantona. U cilju blagovremene socijalne prevencije maloljetničke delinkvencije potrebna je organizovana i kontinuirana edukacija roditelja i nastavnika u školama o uzrocima i nepovoljnim posljedicama delinkventnog ponašanja na ukupan psiho-fizički i socijalni razvoj maloljetnika, porodicu i zajednicu u cjelini, kao i edukacija o metodama vaspitnog rada s adolescentima u porodici i školi u veoma osjetljivoj fazi procesa socijalizacije maloljetnika. Potrebna je veća uključenost naučnih institucija u istraživanje uzroka maloljetničke delinkvencije, bolja kadrovska i materijalna osposobljenost socijalnih ustanova, unapređenje socijalnog i ekonomskog razvoja, edukacija socijalnih radnika o primjeni međunarodnih standarda u radu s maloljetnicima, unapređenje razvoja civilnog društva i na toj osnovi unapređenje socijalne zaštite porodice sa djecom na području Tuzlanskog kantona. U poglavlju literatura dat je popis 68 referenci radova relevantnih domaćih i stranih autora.</p> |
| Datum | 18.05.2012 |
| Predsjednik | dr. sc. Behija Čišić, vanredni profesor za užu naučnu oblast „Teorija i metodologija socijalnog rada“ na Filozofskom fakultetu Univerziteta u Tuzli |
| Mentor | dr. sc. Nijaz Karić, vanredni profesor izabran za užu naučnu oblast „Teorija i metodologija socijalnog rada“ na Filozofskom fakultetu Univerziteta u Tuzli |
| Član komisije | dr. sc. Hariz Šarić, vanredni profesor izabran za užu naučnu oblast „Posebna područja socijalnog rada“ na Filozofskom fakultetu Univerziteta u Tuzli |
| Član komisije | - |
| Član komisije | - |
| Zamjenski član | - |
| Dodatni detalji i lokacija | Javna odbrana magistarskog rada obaviti će se 18.05.2012. godine u 14:00 sati u Amfiteatru I Filozofskog fakulteta u Tuzli |

